

PWYLLGOR CRAFFU CYMUNEDAU

Cofnodion y Pwyllgor Craffu Cymunedau a gynhaliwyd yn Ystafell Gynhadledd 1a, Neuadd y Sir, Rhuthun dydd Iau 1 Mawrth 2012 am 9.30 a.m.

PRESENNOL

Cynghorwyr D.I. Smith (Chair), I.W. Armstrong, J. Cahill, T.R.. Hughes, E.R. Jones, P.W. Owen, S. Thomas a C.H. Williams.

Roedd y Cynghorydd W.L. Cowie yn mynychu fel arsyllwr.

HEFYD YN BRESENNOL

Cyfarwyddwr Corfforaethol: Dysgu a Chymunedau (HW), Prif Swyddog Strategaeth Adfywio a Buddsoddi (RW), Peiriannydd Gwaith Stryd (TD), Rheolwr Adfywio Strategol (MD), Rheolwr Prosiect: Busnes, Cynllunio a Pherfformiad (SLP), Rheolwr Adfywio a Datblygu Arforol (MB), Rheolwr Tîm Cefnogi Pobl (JE), Swyddog Gwella Corfforaethol (EW), Pennaeth Cyllid ac Asedau (PM).

Roedd Mr Bill Newton a Mr David Clayton, aelodau o Glwb Cychod Hwyllo'r Rhyl a chynrychiolwyr Fforwm Harbwr y Foryd a Tony Mead (cyn Meistr yr Harbwr) yn mynychu ar gyfer Eitem 6 - Ffioedd a Thaliadau Angori yn Harbwr y Foryd.

Roedd Mr Colin Evans a Mr Tom Barham, cynrychiolwyr Sefydliad Cymunedol yng Nghymru, yn mynychu ar gyfer Eitem 9 – Ariannu Cymunedau

1. YMDDIHEURIADAU

Cynghorwyr B. Blakeley, J.M. Davies a D. Hannam a'r Aelodau Cyfetholedig Ms D.Houghton a Dr D. Marjoram.

2. DATGANIADAU BUDD

Datgelodd y Cynghorydd I.W. Armstrong fudd personol ac un fyddai'n rhagfarnu ym musnes Eitem 6 fel Cadeirydd Fforwm Harbwr y Foryd ac aelod o Glwb Cychod Hwyllo'r Rhyl. Fodd bynnag, gofynnodd y Pwyllgor iddo gymryd rhan ym musnes Eitem 6 fel tyst.

3. MATERION BRYD FEL Y CYTUNWYD GAN Y CADEIRYDD

Ni chodwyd unrhyw eitem a ddylid, ym marn y Cadeirydd, gael ei hystyried yn y cyfarfod fel un bryd yn unol ag Adran 100B(4) Deddf Llywodraeth Leol 1972.

4. COFNODION

Cyflwynwyd Cofnodion cyfarfod y Pwyllgor Craffu Cymunedau a gynhaliwyd dydd Iau 19 Ionawr 2012.

Awgrymodd y Cynghorydd T.R. Hughes y dylai'r penderfyniad a adroddwyd ar gyfer Eitem 8 ar 'Dorri Gwair ar Ymylon y Priffyrdd' gael ei newid i adlewyrchu'n decach fod y Pwyllgor yn cytuno y dylid ymgynghori â Grwpiau Ardaloedd Aelodau er mwyn sefydlu pa ffyrdd o fewn yr Ardal o Harddwch Naturiol Eithriadol (AONB) y gellid yn ddiogel gael y 'Toriad Bioamrywiaeth'.

Cytunodd y Pwyllgor fod y Cofnodion, fel arall, yn gofnod gwir a chywir o'r cyfarfod blaenorol.

PENDERFYNWYD - *bod y Cofnodion yn cael eu newid er mwyn i'r penderfyniad ar Eitem 8 ddarllen fel a ganlyn:*

"a) Gweithredu Opsiwn 1 yn yr AONB ar bob llwybr a ystyrir yn ddiogel ar gyfer toriad bioamrywiaeth yn dilyn ymgynghoriad gyda'r Grwpiau Ardaloedd Aelodau lleol a bod Opsiwn 2 yn cael ei weithredu ar weddill ffyrdd y Sir;"

a bod y Cofnodion yn cael eu derbyn fel cofnod gwir a chywir o wneud yr uchod.

5. ACHLYSUR BEICIO ETAPE CYMRU

Cyflwynodd y Prif Swyddog Strategaeth Adfywio a Buddsoddi (PRISO) adroddiad a ddisbarthwyd cyn y cyfarfod sy'n rhoi manylion trefniadau sydd wedi'u gwneud ar gyfer yr Achlysur Beicio Etape Cymru 2012. Hysbyswyd y Pwyllgor o'r anawsterau oedd wedi effeithio ar achlysur y llynedd, yn arbennig y rhai'n ymwneud â diffyg cyfathrebu ac ymgynghori â busnesau a chymunedau lleol ac eglurodd y mesurau a gymerwyd i sicrhau bod trefniadau'n well ar gyfer achlysuron yn y dyfodol. Dywedodd y PRISO fod Prif Weithredwyr Cyngor Sir Dinbych a Chyngor Bwrdeistref Sirol Wrecsam o blaid cynnal yr achlysur eto eleni o dan y trefnwyr newydd Participate Sports gyda Dydd Sul 9 Medi wedi'i glustnodi fel dyddiad posibl.

Cododd y Cynghorydd T.R. Hughes, Aelod Lleol Llangollen, nifer o faterion oedd yn codi o achlysur Etape Cymru y llynedd oedd wedi effeithio'n negyddol ar y gymuned leol a gofynnodd am sicrwydd os oedd yr achlysur i'w gynnal eto eleni fod trefniadau'n cael eu gwneud i sicrhau na fyddai'r un problemau'n codi eto. Roedd achlysur y llynedd wedi achosi pryderon yn ymwneud â:

- Chyfathrebu â'r gymuned leol
- Ymgysylltu â busnesau lleol
- Colli busnes oherwydd cau ffyrdd
- Diffyg stiwardio'r achlysur

Eglurodd PRISO fod y Cyngor wedi dysgu o'r camgymeriadau a wnaed wrth drefnu achlysur y llynedd a bod y profiad wedi pwysleisio'r angen bod angen

gwella'r trefniadau ymgynghori a chyfathrebu gyda'r gymuned leol eleni. Dywedwyd bod nifer o'r problemau oherwydd diffyg trefnu gan y trefnwyr blaenorol K-Extreme, yn arbennig aneffeithiolrwydd y cwmni roedd K-Extreme wedi'i ddefnyddio i sicrhau gwasanaethau stiwardio ar gyfer yr achlysur. Mynegodd y PRISO hyder y byddai profiad ac arbenigedd y trefnwyr newydd yn sicrhau y byddai'r achlysur yn cael ei gynnal yn llawer mwy effeithiol ac y byddai'r gwelliannau mewn ymgynghori'n hybu cyfranogiad busnesau lleol yn yr achlysur gyda'r gobaith y byddai'r cyfleoedd oedd yn codi o gynnal y math hwn o achlysur mawr yn cael eu mwyhau drwy ymgysylltiad effeithiol gyda busnesau.

Nid oedd yr awgrymiadau i beidio â defnyddio Bwlch yr Oernant fel llwybr i'r achlysur yn cael eu hystyried yn hyfyw o gofio bod y Bwlch yn cael ei ystyried fel pwynt gwerthu pwysig i'r achlysur. Cydnabu'r Aelodau y byddai gwella'r trefniadau'n lleihau'r effaith negyddol ar y gymuned leol, ond pwysleisiodd fod colli'r busnes amser cinio ar y Sul yn dal i fod yn broblem sylweddol. Gofynnodd y Pwyllgor am sicrwydd y byddai'r ras wedi mynd dros Fwlch yr Oernant mewn pryd i ail-agor y ffordd fel na fyddai busnesau'n dioddef yr anghyfleuster yn ystod eu hamser masnachu brig sef cinio Sul. Dywedodd y PRISO na ellid gwarantu hyn hyd nes i'r Grŵp Cynghori ar Ddiogelwch gyfarfod ar 2 Mawrth ond y bydden nhw'n trafod y targed o gael Bwlch yr Oernant yn agored i draffig erbyn 11.00a.m. Roedd yr amser dechrau wedi'i drefnu ynghynt i weithio tuag at hyn a dywedodd y PRISO y gallai'r ffyrdd ail-agor pan fyddai'r beicwyr araf yn gostwng o dan y cyflymder o 11mph.

Rhoddodd y Cadeirydd grynodedb o'r ddadl, gan nodi nad oedd y Pwyllgor yn erbyn cynnal yr achlysur ond na ellid cefnogi'r achlysur oni bai bod y trefniadau a'r cyfathrebu'n gwella a gofynnwyd am sicrwydd y byddai pob un â diddordeb yn derbyn cyfathrebu clir fel blaenoriaeth. Nodwyd hefyd ddiffyg monitro effeithiol yn achlysur y llynedd a bod y Cadeirydd yn gofyn am sefydlu trefniadau i archwilio'r effaith y byddai'r ras yn ei gael ar y gymuned leol cyn ac ar ôl yr achlysur.

PENDERFYNWYD - bod y Pwyllgor yn cadarnhau cau'r ffordd i ganiatáu cynnal Etape Cymru 2012, gyda'r amodau:

a) y dylid ymgynghori gyda'r cymunedau a'r busnesau lleol sy'n cael eu heffeithio wrth gau'r ffyrdd gan gynnwys ymgynghori gyda'r Grŵp Ardaloedd Aelodau Lleol;

b) y dylid monitro effaith yr achlysur ar gymunedau lleol cyn, yn ystod ac ar ôl y ras gydag adroddiad ar yr agwedd hon yn cael ei gyflwyno i'r Pwyllgor Craffu Cymunedau yn Hydref 2012; a

c) bod y Pwyllgor yn derbyn gwarant y bydd Bwlch yr Oernant yn cael ei ail-agor i draffig erbyn 11am.

6. FFOEDD A THALIADAU ANGORI HARBWR Y FORYD

Cyflwynodd y Rheolwr Adfywio a Datblygu Arforol (MRDM) adroddiad oedd wedi'i ddisbarthu cyn y cyfarfod ac a oedd yn gofyn i'r Pwyllgor ystyried a chefnogi newidiadau i daliadau am angori cychod yn Harbwr y Foryd. Roedd yr eitem wedi'i threfnu i'w thrafod yng nghyfarfod y Pwyllgor ar 19 Ionawr ond wedi'i gohirio i ymgynghori gyda Fforwm Harbwr y Foryd sydd wedi'i gynnal erbyn hyn.

Eglurodd y MRDM y gwaith oedd wedi'i wneud i amnewid angorfeydd a'r angen am i'r Harbwr godi ffioedd angori i ganiatáu i'r prosiect greu ei gronfa ei hun yn hytrach na dibynnu ar gronfeydd Cyngor Sir Dinbych. Nodwyd y taliadau yn yr adroddiad a chynigiwyd disgownt o 50% am y cyfnod rhwng 1 Ebrill 2012 i 31 Mawrth 2013 i ganiatáu i'r gwaith datblygu ar y rhaglen gael ei gwblhau.

Roedd aelodau Clwb Cychod Hwyllo'r Rhyl oedd hefyd ar Fforwm Harbwr y Foryd yn bresennol yn y cyfarfod a gwahoddwyd hwy i wneud datganiadau i'r Pwyllgor. Mynegodd Mr Bill Newton, Llywydd Anrhydeddus Clwb Cychod Hwyllo'r Rhyl, ei bryder gyda'r modd yr oedd y Cyngor wedi delio â'r broses ail-ddatblygu a chodi tâl hyd yn hyn a chyflwynodd ddogfen oedd yn crynhoi materion Harbwr y Foryd i'r Cadeirydd. Cyfeiriodd Mr Newton at bryderon penodol am ansawdd yr angorfeydd newydd a'r penderfyniad i godi tâl cyn gorffen ail-ddatblygu'r harbwr. Cadarnhaodd y Cynghorydd Ian Armstrong ei fod yn bresennol pan oedd Prif Weithredwr y Cyngor wedi rhoi sicrwydd, drwy sgwrs ffôn mewn cyfarfod o Fforwm yr Harbwr ym mis Mawrth 2011, na fydden nhw'n codi tâl hyd nes bod camau 2 a 3 o'r prosiect ail-ddatblygu'r harbwr wedi'u cwblhau.

Dywedodd y MRDM fod y problemau angori oherwydd gor-fanylu yn hytrach na diffygion a dywedodd y byddai'n cyfarfod y contractwyr i ddatrys y mater. Nododd y Rheolwr Prosiect: Busnes, Cynllunio a Pherfformiad hefyd nad oedd y ffi dargadw ar y cytundeb angorfeydd eto wedi'i dalu ac na fyddai'n cael ei dalu hyd nes cael ateb boddhaol.

Dywedodd y Cadeirydd o fewn y trefniadau codi tâl arfaethedig, y byddai hanner y ffioedd yn daladwy o fis Ebrill 2012 pan fyddai'r gwaith datblygu'n dal i fynd ymlaen. Awgrymodd fod y gwasanaeth yr oedd defnyddwyr cychod yn ei gael gan yr harbwr yn waeth na chyn y datblygiadau ac felly na fyddai'n deg cyflwyno taliadau cyn cwblhau'r gwaith gwella. Cydnabuwyd nad oedd gan y Pwyllgor Craffu Cymunedau'r awdurdod terfynol i benderfynu sut dylid gweithredu'r ffioedd ond gallai'r Pwyllgor wneud argymhelliad ffurfiol. Wrth ystyried hyn, cefnogodd y Pwyllgor yr awgrym y dylid gohirio cyflwyno'r ffioedd am 12 mis hyd nes bod yr harbwr yn addas i'w ddefnyddio.

PENDERFYNWYD – bod y Pwyllgor yn argymhell:

(a) cefnogi graddfa'r taliadau arfaethedig yn yr adroddiad mewn egwyddor, ond bod gweithredu codi unrhyw un o'r taliadau yn yr adroddiad yn cael ei ohirio hdy at 1 Ebrill 2013 i ystyried gwaith datblygu'r rhaglen o fewn yr harbwr;

- (b) bod graddfa'r disgownt a gynigiwyd yn yr adroddiad yn cael ei adolygu'n flynyddol ar ôl ystyried galw'r farchnad; a
- (c) bod cyfraddau lleol yn cael eu cymhwyso i Fae Cinmel a Thowyn (wardiau 12 ac 13 Cyngor Bwrdeistref Sirol Conwy.)

7. NEWIDIADAU I'R STRATEGAETH CEFNOGI POBL 2012-14 A CHYNLLUN GWEITHREDU CEFNOGI POBL 2012/13

Cyflwynodd y Rheolwr Tîm Cefnogi Pobl (SPTM) adroddiad a ddsbarthwyd cyn y cyfarfod ac a oedd yn rhoi manylion Strategaeth Cefnogi Pobl 2012-14 a'r Cynllun Gweithredu cysylltiol ar gyfer 2012/13. Gofynnodd am farn y Pwyllgor ar y cynlluniau. Eglurwyd bod y Cynllun Gweithredu'n elfen o'r Strategaeth Cefnogi Pobl oedd wedi'i lunio'n flynyddol yn unol â rheoliadau Llywodraeth Cymru. Cafwyd crynodeb gan y SPTM o'r nifer o newidiadau oedd wedi'u gwneud i'r camau a gynlluniwyd ar gyfer 2012-14 yn dilyn ymgynghori - roedd y manylion yn yr adroddiad.

Yn ystod y drafodaeth ar y cynnwys a'r newidiadau a wnaed i'r Cynllun Gweithredu, cododd y Pwyllgor nifer o faterion gan gynnwys:

- Ystyried darpariaeth Sir Ddinbych ar gyfer dioddefwyr gwrywaidd gan gam-drin domestig. Cadarnhaodd y SPTM fod darpariaeth wedi'i pharatoi i letya dioddefwyr gwrywaidd yn ychwanegol at ddarparu lloches i ferched a bod y ddau sefydliad, Hafan Cymru a Chymorth i Fenywod Gogledd Sir Ddinbych, yn gweithio gyda'r ddau ryw.
- Ymholiad yn ymwneud ag amnewid tai â chymorth o fewn y ddwy ardal ymyrraeth adfywio. Cadarnhawyd bod, fel y landlordiaid perthnasol, Cymdeithas Tai Clwyd Alyn (CAHA) yn cael hyd i ddarpariaeth arall ar gyfer saith uned. Dywedwyd bod y ddarpariaeth amnewid y tu allan i'r ardaloedd ymyrraeth ond yn debygol o fewn ardal y Rhyl oherwydd argaeledd darpariaeth. Roedd CAHA yn gweithio gyda darparwyr i sicrhau addasrwydd eiddo amgen a bydd strategaeth tai â chymorth yn cael ei datblygu i edrych i mewn i hyn ymhellach.
- Pryderon am rai unigolion yn symud i mewn i Sir Ddinbych a gweithredu rhai B&Bs. Nodwyd bod pobl yn gallu dewis byw lle'r oedden nhw'n dymuno a bod, mewn rhai amgylchiadau, lleoliadau'n cael eu trefnu gan aml-asiantaethau, er enghraifft, mewn perthynas â diogelwch y cyhoedd neu reoli risg. Roedd trefniadau o'r fath yn gweithredu ar sail ddwyochrog, felly gall pobl o Sir Ddinbych mewn amgylchiadau tebyg gael eu lleoli mewn siroedd eraill. Cynghorwyd yr Aelodau y dylid cyfeirio ymholiadau am leoliadau'r digartref at Bennaeth y Gwasanaeth ac y dylai ymholiadau'n ymwneud â B&Bs penodol nad sy'n gweithredu fel B&Bs, efallai gael eu cyfeirio at adran gynllunio Sir Ddinbych.
- Yr angen am egluro'r nifer o unedau tai â chymorth nad oedd wedi'u nodi'n glir yn y Cynllun Gweithredu.

PENDERFYNWYD - o ystyried y sylwadau uchod, bod y Pwyllgor yn cefnogi'r Strategaeth Cefnogi Pobl ddiwygiedig 2012-14 a'r Cynllun Gweithredu ar gyfer 2012/13.

8. AROLWG TRIGOLION SIR DDINBYCH 2011

Cyflwynodd y Swyddog Gwella Corfforaethol (CIO) adroddiad oedd wedi'i ddsbarthu cyn y cyfarfod gyda manylion darganfyddiadau Arolwg y Trigolion. Gofynnodd am farn y Pwyllgor a oedd unrhyw faterion angen craffu pellach. Roedd yr arolwg wedi cael cyfradd ymateb is na'r arolwg a gomisiynwyd yn 2009 ond dywedwyd bod yr ymateb (38%) yn gymharol uchel am arolwg drwy'r post. Cyflwynodd y CIO grynodeb o brif ddarganfyddiadau'r arolwg a nododd fod yr ymatebion yn gyffredinol wedi'u targedu at feysydd yr oedd yr ymatebwyr yn gyfarwydd â nhw. Roedd yr arolwg wedi cymryd llinell eang o holi er mwyn amlygu pryderon. Edrychwyd ar y rhain yn fwy manwl ac roedden nhw'n cael eu defnyddio i helpu gwasanaethau ddatblygu eu Cynlluniau Gwasanaeth ar gyfer 2012/13, ac i ddatblygu'r Cynllun Corfforaethol newydd 2012-16.

Gofynnodd y Cynghorydd T.R. Hughes a oedd y themâu a amlygwyd yn yr arolwg yn adlewyrchu'r cwynion a dderbyniwyd gan y gwahanol wasanaethau. Dywedodd y CIO fod hyn yn rhywbeth roedd y Gwasanaethau Cwsmeriaid yn edrych arno a phwysleisiodd mai bwriad yr arolwg oedd amlygu problemau na fyddai fel arall wedi denu cwynion.

Dywedodd y Cynghorydd fod anawsterau wrth ddefnyddio system gwynion CRM, oedd wedi rhestru cwynion fel rhai oedd wedi'u datrys cyn i hyn ddigwydd. Dywedodd y Cyfarwyddwr Corfforaethol: Dysgu a Chymunedau fod y mater hwn wedi'i amlygu a bod Gwasanaethau Cwsmeriaid yn addasu eu prosesau i fonitro datrys cwynion yn hytrach na'u gweinyddu.

Eglurodd y CIO hefyd fod y cwestiynau wedi'u gosod gan swyddogion mewn ymgynghoriad â gwahanol adrannau i sicrhau eu heffeithiolrwydd ac y byddai'r ystadegau a gasglwyd yn parhau'n ddilys ar gyfer adrodd yn ôl am ddwy flynedd.

PENDERFYNWYD- bod y Pwyllgor yn nodi'r adroddiad ac yn argymhell bod y Grwpiau Ardaloedd Aelodau yn cael eu hannog i wneud defnydd rheolaidd ac effeithiol o'r data a gasglwyd drwy'r Arolwg Trigolion.

9. ARIAN Y GYMUNED

Cyflwynodd y Cyfarwyddwr Corfforaethol: Dysgu a Chymunedau (CD:LC) adroddiad oedd wedi'i ddsbarthu cyn y cyfarfod. Roedd yn rhoi trosolwg o'r system dyrannu arian i Grwpiau Ardaloedd Aelodau a sut roedd yr arian hwn wedi'i ddefnyddio a hefyd yn amlinellu cynigion i ddatblygu Cronfa Waddol Cymuned Sir Ddinbych.

Eglurwyd bod tanwariant unigryw'r llynedd wedi caniatáu i £300k gael ei ddyrannu i'r 6 Grŵp Aelodau Ardal (MAGs) i'w wario ar brosiectau yn y gymuned. Roedd pob MAG wedi derbyn £50,000 i'w wario ar brosiectau a fyddai o fudd i'w cymunedau yn eu barn nhw a chafwyd manylion prosiectau unigol a'r arian yn yr adroddiad. Oherwydd sefyllfa ariannol y Cyngor, ni ellir

rhagweld y bydd yr un lefel o arian ar gael i MAGs mewn blynyddoedd i ddod, ond roedd y Cyngor wedi dyrannu arian sylweddol i gefnogi Cynlluniau Trefi oedd yn y broses o dderbyn cymeradwyaeth. Mynegwyd bod y Cynlluniau Trefi wedi helpu'r Cyngor i adnabod blaenoriaethau pob un o'r trefi. Roedd hyn wedi annog ymarfer ymgynghori tebyg oedd i'w gynnal yn fuan gyda Chynghorwyr lleol cyn etholiadau awdurdodau lleol i sefydlu blaenoriaethau'r cymunedau gwledig.

Dywedodd yr Aelodau am yr effaith positif roedd prosiectau unigol wedi'u cael ar eu cymunedau lleol ond mynegwyd dymuniad am gydweithio agosach pan ellid nodi prosiectau a allai fod o fudd i wahanol ardaloedd ar draws Sir Ddinbych. Dywedodd y Pennaeth Cyllid ac Asedau (HoFA) y byddai MAGs angen ymgysylltu i nodi dymuniad sut gellid dyrannu arian posibl i brosiectau yn y gymuned yn y dyfodol. Ychwanegodd y Cadeirydd fod y posibilrwydd o arian cyfatebol ar gyfer prosiectau yn y gymuned yn rhoi cyfle gwych i wneud y gorau o'r buddion i bawb.

Cytunodd y Pwyllgor y byddai'n rhaid i'r Pwyllgor Craffu Cymunedau ystyried arolwg o ba mor effeithiol roedd gwario'r cronfeydd hyn wedi bod a pha wersi a ddysgwyd ar gyfer y dyfodol ar ôl ethol y Cyngor newydd. Cytunwyd i ychwanegu hyn fel eitem yn Rhaglen Gwaith Ymlaen y Pwyllgor ar gyfer y cyfarfod oedd wedi'i drefnu ar gyfer 14 Mehefin.

PENDERFYNWYD yn unol ag Adran 100A Deddf Llywodraeth Leol 1972, gwahardd y Wasg a'r Cyhoedd o'r cyfarfod ar gyfer yr eitem fusnes ganlynol oherwydd ei bod yn bosibl y byddai gwybodaeth eithriadol yn cael ei datgelu fel y diffiniwyd ym Mharagraff 14 Rhan 4 Trefnlen 12A Deddf Llywodraeth Leol 1972.

RHAN II

Aeth y cyfarfod ymlaen i Ran 2 i ystyried atodiad cyfrinachol i'r adroddiad oedd yn rhoi manylion cynigion i sefydlu Cronfa Waddol Cymuned Sir Ddinbych i reoli cronfeydd ymddiriedolaeth marwaidd ac aneffeithiol oedd yn cael eu cadw gan y Cyngor.

Eglurodd Mr Colin Evans o'r Sefydliad Cymunedol yng Nghymru fod gan ei sefydliad brofiad mewn cymathu cronfeydd ymddiriedolaeth er mwyn eu cymhwyso'n effeithiol ac amlinellodd gynigion i ddwyn y cronfeydd oedd yn enw'r Sir at ei gilydd. Eglurwyd y byddai Cronfa Waddol Cymuned Sir Ddinbych yn gallu defnyddio cronfeydd ymddiriedolaeth nad oedd cynt wedi bod yn hyfyw'n economaidd i weinyddu ar y cyd gyda buddsoddiad allanol posibl gan ddyngarwyr lleol i gefnogi prosiectau lleol ar y dechrau drwy grantiau addysg ond yna'n ehangu'r cwrpas dros amser. Eglurodd Mr Evans na fyddai'r Sefydliad Cymunedol yng Nghymru yn chwilio am wneud elw wrth reoli'r gronfa - roedd manylion ei ffioedd am weinyddu'r gronfa wedi'u nodi yn yr adroddiad.

Gofynnodd y Cyngorydd T.R. Hughes pam bod cronfa ymddiriedolaeth sefydledig oedd wedi cefnogi cyflwyno gwobrau mewn ysgolion wedi peidio â

bod yn sydyn a dywedwyd bod hon yn un enghraifft posibl o'r cronfeydd ymddiriedolaeth nad oedd yn hyfyw'n economaidd oherwydd gwerth ariannol presennol y fwrariaeth. Cadarnhaodd yr HoFA hefyd y byddai ymddiriedolaethau mewn ysgolion hefyd yn cael eu cynnwys yn y cynllun gan y bydden nhw'n cael eu dal yn enw'r Cyngor.

PENDERFYNWYD – *bod y Pwyllgor:*

- a) *yn nodi'r adroddiad ar y system o ddyrannu cronfeydd i Grwpiau Ardaloedd Aelodau;*
- b) *yn argymhell cael adroddiad ar arolwg o ba mor effeithiol roedd y Grwpiau Ardaloedd Aelodau wedi gwario eu dyraniadau o arian y gymuned yng nghyfarfod mis Mehefin o'r Pwyllgor Craffu Cymunedau;*
- c) *yn cefnogi'r cynnig, o gael cefnogaeth y Comisiwn Elusennau, bod y 55 ymddiriedolaeth farwaidd neu aneffeithiol a'u hasedau cysylltiol yn cael eu trosglwyddo i 'Gronfa Waddol Cymuned Sir Ddinbych' arfaethedig i'w rheoli gan ac i fod yn gyfrifoldeb cyfreithiol y Sefydliad; ac*
- d) *yn cefnogi'r cynnig i ymgymryd â'r camau cyfreithiol angenrheidiol ac yn arwyddo'r cytundeb angenrheidiol gyda'r Sefydliad Cymuned yng Nghymru.*

10. RHAGLEN WAITH CRAFFU

Dosbarthwyd copi o adroddiad gan y Cydlynnydd Craffu, oedd yn gofyn i'r Pwyllgor adolygu a chytuno ar ei Raglen Waith Ymlaen a rhoddodd ddiweddariad ar faterion perthnasol, gyda'r papurau ar gyfer y cyfarfod.

Eglurodd y Cydlynnydd Craffu mai cyfarfod nesaf y Pwyllgor, i'w gynnal ar 12 Ebrill, fyddai'r cyfarfod olaf cyn yr etholiad. Dywedwyd y dylai'r 3edd eitem oedd wedi'i threfnu ar gyfer y cyfarfod hwn, sef adroddiad ar Lwybr Mynediad Cyffredin i Dai, gael ei gohirio tan ar ôl yr etholiad oherwydd y gallai'r mater fod yn ddadleuol yn ystod cyfnod yr etholiad. Cytunodd y Pwyllgor i ad-drefnu'r eitem ar gyfer cyfarfod mis Mehefin o Bwyllgor Craffu Cymunedau. Byddai hyn yn gadael 2 eitem yn unig ar gyfer y cyfarfod nesaf felly cytunodd y Pwyllgor i dderbyn diweddariad ar y paratodau ar gyfer yr achlysur beicio E-tape Cymru, gydag adroddiad monitro pellach i'w ystyried ym mis Hydref 2012.

Roedd y Grŵp Cadeiryddion ac Is-gadeiryddion Craffu wedi penderfynu mai Prosiect Mynd Ymlaen y Rhyl oedd agosaf at gylch gwaith y Pwyllgor Craffu Cymunedau ac wedi gofyn i'r Pwyllgor graffu'r prosiect. Gofynnodd y Cydlynnydd Craffu i'r Pwyllgor arolygu'r mater hwn i benderfynu sut dylai'r prosiect gael ei graffu a chytunwyd gofyn i gynrychiolydd o Brosiect Symud Ymlaen y Rhyl fynychu cyfarfod mis Gorffennaf y Pwyllgor er mwyn rhoi manylion cynnydd y prosiect fel y gellid nodi ardaloedd posibl i'w craffu.

Cadarnhaodd y Pwyllgor y byddai adroddiad i adolygu buddion yr amrywiol prosiectau a gynhaliwyd fel rhan o arian cymuned MAG yn cael ei ystyried yng nghyfarfod mis Mehefin o'r Pwyllgor, fel y trafodwyd ynghynt.

Dywedodd y Cydlynnydd Craffu fod y grŵp Cadeiryddion ac Is-gadeiryddion Craffu wedi penderfynu sefydlu grŵp gorchwyl a gorffen ar y cyd rhwng y Pwyllgor Craffu Cymunedau a Phwyllgor Craffu Partneriaethau i ystyried y cynigion ar gyfer Bwrdd Cymunedau Diogelach Gogledd Cymru a threfnwyd bod y Grŵp yn cyfarfod ar 15 Mawrth. Yn dilyn trafodaeth, cytunwyd y byddai'r Cadeirydd a'r Cynghorydd J. Cahill yn cynrychioli'r Pwyllgor Craffu Cymunedau ar y Grŵp hwn gyda'r Cynghorydd T.R. Hughes i ddirprwyo os byddai angen.

Cytunodd y Pwyllgor hefyd i drefnu ystyried adroddiad ar effaith atal cludiant am ddim i Ysgol Dinas Bran ar gyfer cyfarfod y Pwyllgor ym mis Medi.

Yn olaf, atgoffodd y Cydlynnydd Craffu'r Pwyllgor am yr holiadur oedd wedi'i ddosbarthu yn gofyn am sylwadau ar drefniadau Craffu'r Cyngor er mwyn hysbysu'r Adroddiad Craffu Blynnyddol a gofynnodd am ddychwelyd yr ymatebion erbyn 8 Mawrth.

PENDERFYNWYD –

(a) cymeradwyo'r Rhaglen Waith Ymlaen a welir yn Atodiad 1 o wneud y newidiadau uchod; a

b) bod y Cynghorwyr D.I. Smith a J. Cahill yn cael eu henwebu i weithredu ar y cyd-grŵp gorchwyl a gorffen a sefydlwyd i ystyried y cynigion ar gyfer y Bwrdd Cymunedau Diogelach Gogledd Cymru.

Daeth y cyfarfod i ben am 1:20pm.